



東坡先生遺事卷之十一

讒險

明後學句吳

顧道洪

編輯

監察御史裏行何大正劄子

御史臺根勘所元豐二年七月四日准中書批送下  
太子中允權監察御史裏行何大正劄子臣伏見祠  
部員外郎直史館知湖州蘇軾謝上表其中有言愚  
不識時難以追陪新進老不生事或能牧養小民愚  
弄朝廷妄自尊大宣傳中外孰不歎驚夫小人爲邪  
治世所不能免大明旁燭則其類自消固未有如軾

爲惡不悛怙終自若謗訕譏罵無所不爲道路之人則又以爲一有水旱之災盜賊之變軾必唱言歸咎新法喜動顏色惟恐不甚今更明上章疏肆爲詆誚無所忌憚矣夫出而事主所懷如此世之大惡何以復加昔成王戒康叔以助王宅天命作新民人有小罪非青乃惟終不可不殺蓋習俗汚陋難以丕變不如是不足以作民而新之况今法度未完風俗未一正宜大明誅賞以示天下如軾之惡可以止而勿治乎軾所爲譏諷文字傳於人者甚衆今獨取鏤板而鬻於市者進呈伏望

陛下特賜留神取進止元豐二年三月二十七日垂拱殿進呈奉

聖旨送中書

監察御史裏行舒亶劄子

太子中允集賢殿校理權監察御史裏行舒亶劄子臣伏見知湖州蘇軾近謝上表有譏切時事之言流俗翕然爭相傳誦忠義之士無不憤惋且

陛下自新美法度以來異論之人固不爲少然其大不過變亂事實造作讒說以爲搖奪沮壞之計其次又不過腹誹背毀行察坐伺以幸天下之無成功而

已至於包藏禍心怨望其上訕謔慢罵而無復人臣之節者未有如軾也蓋

陛下發錢以本業貧民則曰贏得兒童語音好一年強半在城中

陛下明法以課試群吏則曰讀書萬卷不讀律致君堯舜終無術

陛下興水利則曰東海若知明主意應教斥鹵變桑田

陛下謹鹽禁則曰豈是聞韶解忘味邇來三月食無鹽其他觸物即事應口所言無一不以譏謗為主小

則鏤板大則刻石傳播中外自以爲能其尤甚者至遠引衰漢梁竇專朝之士雜取小說燕蝠爭晨昏之語旁屬大臣而緣以指斥乘輿蓋可謂大不恭矣然臣切考歷古以來書傳所載其間擾攘之世上之人雖有失德之行違道之政而逆節不軌之臣苟能正其短以動搖人心亦必回容顧避自託於忠順之名而後敢出此恭惟

陛下躬履道德立政造士以幸天下後世可謂堯舜之用心矣軾在此時以苟得之虛名無用之曲學官爲省郎職在文館典領寄任又皆古所謂二千石臣

獨不知

陛下何負於天下與軾輩而軾敢爲悖慢無所畏忌以至如是且人道之所自立者以有義而無逃於天地之間者義莫如君臣軾之所爲恐出於此其能知有君臣之義乎夫爲人臣者苟能充無義之心徃以爲利則其惡無所不至矣然則

陛下其能保軾之不爲此乎昔者治古之隆責私議之殊說命之曰不收之民徃於姦宄敗常亂俗雖細不宥按軾懷怨天之心造訕上之語情理深害事至暴白雖萬死不足以謝聖時豈特在不收不宥而已

伏望

陛下體先王之義用治世之重典付軾有司論如大不恭以戒天下之爲人臣子者不勝忠憤懇切之至印行四冊謹具進呈取進止元豐二年七月二日崇政殿進呈奉

聖旨送中書

國子博士李宜之狀

國子博士李宜之狀昨任提舉淮東常平過宿州靈璧鎮有本鎮居止張碩秀才稱蘇軾與本家撰靈璧張氏園亭記記內有一節稱古之君子不必仕不必

東坡遺事 卷之十一 四  
不仕必仕則忘其身必不仕則忘其君譬之飲食適於饑飽而已然士罕能蹈其義赴其節處者安於故而難出出者狃於利而忘返於是有違親絕俗之譏懷祿苟安之弊宜之看詳上件文字義理不順言必仕則忘其身是教天下之人必無進以亂取士之法又軾言必不仕則忘其君是教天下之人無尊君之義虧大忠之節又軾稱譬之飲食適於饑飽而已然士罕能蹈其義赴其節宜之詳此即知天下之人仕與不仕不敢忘其君而獨軾有不必仕則忘其君之意是廢爲臣之道又軾稱處者安於故而難出出者

御史中丞李定劄子

狃於利而忘返於是有違親絕俗之譏懷祿苟安之弊顯涉譏諷乞賜根勘

右諫議大夫權御史中丞李定劄子臣切見知湖州蘇軾初無學術濫得時名偶中異科遂叨儒館及上聖興作新進仕者非軾之所合軾自度終不爲朝廷獎用啣怨懷怒恣行醜詆見於文字衆所共知或有燕蝠之譏或有竇梁之比其言雖屬所憾其意不無所寓訕上罵下法所不宥臣切謂軾有可廢之罪四臣請陳之昔者堯不誅四凶而至舜則流放竄

東坡遺事 卷之十一  
五  
極之蓋其惡始見於天下軾先騰沮毀之論

陛下稍置之不問容其改過軾怙終不悔其惡已著此一可廢也古人教而不從然後誅之蓋吾之所以俟之者盡然後戮辱隨焉

陛下所以待軾者可謂盡而傲悖之語日聞中外此二可廢也軾所爲文辭雖不中理亦足以鼓動流俗所謂言僞而辯當官侮慢不循

陛下之法操心頑愎不服

陛下之化所謂行僞而堅言僞而辯行僞而堅先王之法當誅此三可廢也書刑故無小知而爲與夫不

知而爲者異也軾讀史傳豈不知事君有體訕上有誅肆其憤心公爲詆訾而又應制舉對策即已有厭獎更法之意

陛下修明政事怨不用已遂一切毀之以非爲是此四可廢也而尚容於職位傷教亂俗莫甚於此臣伏惟

陛下動靜語默惟道之從興除制作肇新百度謂宜可以於變天下而至今未至純者殆以軾輩虛名浮論足以感動衆人故也臣叨預執法職在糾姦罪有不容其敢苟止伏望

陛下斷自天衷特行典憲非特沮乖慝之氣抑亦奮忠良之心好惡旣明風俗自革有補於世豈細也哉取進止元豐二年七月二日崇政殿進呈奉聖旨後批四狀并冊子七月三日進呈奉聖旨送御史臺根勘聞奏

御史臺檢會送到冊子

檢會送到冊子題名是元豐續添蘇子瞻學士錢塘集全冊內除目錄更不抄寫外其三卷並錄付中書門下奏據審刑院尚書刑部狀御史臺根勘到祠部員外郎直史館蘇軾爲作詩賦并諸般文字謗訕朝政及中外臣寮絳州團練使駙馬都尉王詵爲留蘇軾譏諷文字及上書奏事不實并劄子二道者

供狀

祠部員外郎直史館蘇軾年四十四歲本貫眉州眉山縣高祖祐曾祖杲並不仕祖序故任大理評事致仕累贈職方員外郎父洵故任霸州文安縣主簿累贈都官員外郎軾嘉祐二年進士及第初任河南府福昌縣主簿未赴任間應中制科授大理評事鳳翔府僉判覃恩轉大理寺丞磨勘轉殿中丞差判登聞鼓院試館職除直史館丁父憂服闋差判官誥院兼



判尚書祠部權開封府推官磨勘轉太常博士通判  
杭州就差知密州磨勘轉祠部員外郎就差知河中  
府未到任改差知徐州未滿就移知湖州元豐二年  
四月二十一日到任歷任舉主陝西轉運副使陸詵  
舉臺閣清要任使提點兩浙刑獄晁端彥舉外擢任  
使權兩浙提刑潘良噐京東安撫使向京並舉召還  
侍從權京東路轉運副使王居卿轉運判官李察並  
舉不次清要任使安撫使陳薦蘇解舉外陟侍從提  
舉李清臣舉不次外擢任使提刑孔宗翰奏乞召還  
禁近運判章慤奏乞召寘侍從安撫使葉廉奏乞顯

用提舉李孝孫乞召還侍從安撫使賈昌衡奏乞召  
還近侍軾任鳳翔府僉判日爲中元節假不過知府  
聽罰銅八斤任杭州府通判日不舉駁王文敏盜官  
錢官員公按罰銅八斤皆公罰別無過紀款招登科  
後來入館多年未甚進擢兼朝廷用人多是少年所  
見與軾不同以此撰作詩賦文字譏諷意圖衆人傳  
看以軾所言爲當軾與張方平王詵李清臣黃庭堅  
司馬光范鎮孫覺李常曾鞏周放蘇轍王鞏劉摯陳  
襄錢藻顏復盛僑錢世宏吳瑄王安上杜子方王紛  
戚秉道陳珪相識其人等與軾意相同即是與朝廷

新法時事不合及多是朝廷不甚進用之人軾所以將譏諷文字寄與如後

與王詵往來詩賦

一與王詵干涉事記熙寧二年軾在京授差遣王詵作駙馬後軾去王詵宅與王詵寫作詩賦并蓮花經等本人累經送酒食茶果等與軾當年內王詵又送弓一張箭十雙包指十箇與軾熙寧八年成都僧惟簡託軾在京求師號軾遂將本家元收畫一軸送與王詵稱是川僧所畫覓師號王詵允許當年有秘丞柳詢家貧干軾軾爲無錢得犀一株送與王詵稱是

柳秘丞犀欲賣三十貫王詵云不須得犀遂送錢三十貫與柳詢軾於王詵處得師號一道當年內有相國寺僧思大師告軾於王詵處與小師覓紫衣一道仍將到吳生畫佛入涅槃一軸董爲水障一又床屏雀竹一徐熙畫桃花一軸朱絲武宗元畫鬼神二軸說與王詵知後將佛入涅槃及桃花雀竹等與王詵朱絲武宗元畫鬼神軾自收留於詵處換得紫衣二道與思大師當年軾將畫三十六軸各有唐賢題名託王詵令人裝褙其物料手工並是王詵出備當年軾通判欲赴任王詵送到茶藥紙筆墨硯漁魚皮紫

東坡遺事 卷之十一  
茸氈翠籐簟等軾留下十一月到任熙寧五年內王  
詵送到官酒十瓶果子兩部與軾熙寧六年內遊孤  
山詩寄詵除無譏諷外有誤隨弓旌落塵土坐使鞭  
箠環呻呼以譏諷朝廷新法行後公事鞭箠之多也  
又曰追胥保伍罪及孥百日愁嘆一日娛以譏諷朝  
廷蓋法收坐同保妻子移鄉法太急也又曰歲荒無  
術歸亡逋鵠則易畫虎難摸意取馬援言刻鵠不成  
猶類鶩畫虎不成反類狗言歲既饑荒我欲出奇畫  
賑濟又恐朝廷不從乃以畫虎不成反類狗也并戲  
子由云任從飽死笑方朔肯爲雨立求秦優意取東

方朔傳侏儒飽欲死及滑稽傳優旃謂陸楮郎汝雖  
長何益乃雨立我雖短幸休居言弟轍家貧官卑而  
身材長大所以比東方朔陸楮郎而以當今進用之  
人比侏儒優旃也又云讀書萬卷不讀律致君堯舜  
終無術是時朝廷新興律學軾意非之以謂法律不  
足以致君於堯舜今時又專用法律而忘詩書故言  
我讀萬卷書不讀法律蓋譏法律之中無致君堯舜  
之術也又云勸農冠蓋鬧如雲送老壘鹽甘似蜜以  
譏諷朝廷新開提舉官所至苛細生事發譴官吏惟  
學官無吏責也弟轍爲學官故有是句又云平生所

慚今不耻坐對疲氓更鞭箠是時多徒配犯鹽之人  
例皆饑貧言鞭箠此等貧民軾平生所慚今不耻矣  
以譏諷朝廷鹽法太急也又云道逢陽虎欲與言心  
知其非口喏唯是時張靚俞希旦作鹽司意不喜其  
人然不敢與爭議故毀詆之爲陽虎也又山村詩第  
三首云烟雨濛濛雞犬聲有生何處不安生但令黃  
犢無人佩布穀何勞也勸耕軾意言是時販私鹽者  
多帶刀杖故取前漢龔遂令人賣劔買牛賣刀買犢  
曰何爲帶刀佩犢意言但將鹽法寬平令人不帶刀  
劔而買牛犢則自力耕不勞勸督也以譏諷朝廷鹽

法太急不便也又第二首云老翁七十自腰鑿慚愧  
春山笋蕨甜豈是聞韶解忘味邇來三月食無鹽意  
山中之人饑貧無食雖老猶自採笋蕨充饑時鹽法  
峻急僻遠之人無鹽食動經數月若古之聖人則能  
聞韶忘味山中小民豈能食淡而樂乎以譏諷鹽法  
太急也第四首云杖藜裹飯去匆匆過眼青錢轉手  
空贏得兒童語音好一年強半在城中意言百姓雖  
得青苗錢立便於城中浮費使却又言鄉村之人一  
年兩度夏秋稅又數度請納和糴糶錢今此更添青  
苗助役錢因此莊家子弟多在城中不着次第但學

東坡遺集 卷之十一 十一 蘇州山人  
得城中語音而已以譏諷朝廷新法青苗助役不便  
又差開運鹽河詩云居官不任事蕭散羨長卿胡不  
歸去來留滯愧淵明鹽法星火急誰能卹農耕薨薨  
曉鼓動萬指羅溝坑天雨助官政泣愁淋衣纓人如  
鴨與猪投泥相濺驚下馬荒堤上四顧但胡弼淺路  
不容足又與牛羊爭歸田雖賤辱豈識泥中行寄語  
故山友慎勿厭黎羹軾爲是時盧秉提舉鹽事擘畫  
開運鹽河差夫千餘人軾於大雨中部役其河只爲  
般鹽既非農事而役農民秋田未了有妨農事又其  
河中間有湧沙數里軾宣言開得不便軾自嗟泥雨

勞苦羨司馬長卿居官而不任事又愧陶淵明不  
棄官歸去也農事未休而役夫千餘人故云鹽事星  
火急誰能卹農耕又言百姓已勞苦不易天雨又助  
官政勞民轉致百姓疲役人在泥水中辛苦無異鴨  
與猪又言軾在泥中與牛羊爭路而行若歸田豈識  
於此哉故云寄言故山友慎勿厭藜羹而思仕宦以  
譏諷朝廷開運鹽河不當以妨農事也軾於上件年  
分寫上件詩賦與王詵熙寧六年春軾爲嫁甥女問  
王詵借錢二百貫其年秋又借到錢一百文自後未  
曾歸還又熙寧八年內王詵曾送到官酒六瓶并果

東坡遺事 卷之十一 十一 梁汾山人  
子藥等與軾亦嘗有書簡往復當年并熙寧九年內  
作薄薄酒又水調歌頭一首復有杞菊賦一首并引  
不合云及移守膠西意其一飽而始至之日齋館索  
然不堪其憂以非諷朝廷新法減削公使錢太甚齋  
醞厨薄事皆索然無備也軾又作超然臺記云始至  
之日歲比不登盜賊滿野獄訟充斥意言連年蝗虫  
盜賊獄訟之多非諷朝廷政事闕失并新法不便所  
致及云齋厨索然日食杞菊以非諷朝廷新法減削  
公使錢太甚又於上件年分節次抄寫上件詩賦等  
寄與王詵熙寧九年軾寫書與王詵爲一婢秋蟾欲

削髮出家作尼并有相識僧行杭州人各求祠部一  
道當說與王詵自後未取約熙寧十年二月到京王  
詵送到茶菓酒食等三月初一日王詵送到簡帖來  
日約出城外四照亭中相見次日軾與王詵相見令  
姨媼六七人出斟酒下食數內有倩奴問軾求曲子  
軾遂作洞僊歌一首喜長春一首與之次日王詵送  
韓幹畫馬十二匹共六軸求軾跋尾不合作詩云王  
良挾矢飛上天何必俯首求短轅意以騏驥自比譏  
諷執政大臣無能盡我之才如王良之能馭者何必  
折節干求進用也當月軾又薦會傳神僧爲王詵寫

真乞得紫衣一道四月赴任徐州王詵送到羊羔兒酒四瓶乳糖獅子四枚龍腦面花象板裙帶繫頭子錦段之類與軾九月間軾託王鞏到京見王詵時覓祠部一兩道與相知僧十月內王鞏書來云王詵已許諾未取今年八月二十八日供出與王詵相識借得錢物并寄杞菊賦超然臺記題韓幹馬詩與王詵因依又隱諱不曾作開運塩河詩寄王詵情由蒙會問到王詵狀并被王詵申送到開運塩河詩賦軾於九月二十三日至二十七日方具實招其臆日遊孤山詩戲子由詩山村詩元准

聖旨係降印行冊子內詩其後杞菊賦超然臺記韓幹馬詩開運塩河詩即不係朝旨降到冊子內

與王詵作寶繪堂記

一與王鞏于涉事熙寧五年內鞏言王詵說賢兄與他作寶繪堂記內有桓靈寶之走舸王涯之複壁皆留意之禍也嫌意思不好要改此數句軾荅云不使則已即不曾改軾先與將官雷勝并同官寄居等一十人出獵等詩各一首計十首並無譏諷軾後批請定國將此獵詩轉示晉卿都尉當輸我一籌也王鞏

字定國王詵字晉卿王詵令書表司張遵寄軾詩十  
一首并後序云子瞻所寄新詩并獵會事迹誇示一  
時之樂余因回示報樂侍寢清歌者雲英等凡十有  
一輒効子瞻十家之詩各以其名製詞一篇寄子瞻  
不知却復輸此一籌否其意說富貴作樂飲燕即無  
譏諷軾字子瞻輩向真廟朝裏尊禮揚大年時人稱  
之今王詵尊禮子瞻亦同年爾軾言到家逢着難時  
節王詵言向因世居事後也曾到登對奏知今後不  
敢與人往還上乃宣諭詵云如溫良之士大夫往還  
亦自無害軾言次第自家是不溫良底也其上件詩

不係冊子內

與李清臣寫超然臺記并詩

一與李清臣干涉事熙寧九年軾寫超然臺記寄李  
清臣其譏諷已在王詵項內聲說熙寧十年軾知徐  
州日六月內李清臣因沂山龍神祈雨有應作詩一  
首寄軾其詩曰南山高峻層北山亦嶮峻坐看兩山  
雲出沒雲行如驅歸若呼始覺山有靈物鬱鬱其焚  
蘭罩罩其繫鼓祝屢祝巫屢舞我民無罪神所憐一  
夜雷風三尺雨嶺木兮蒼蒼溪泉兮央央雲散諸峯  
互明滅東阡西陌農事忙廟閑山空音響絕軾後作



東坡遺事 卷之十一 三 滄洲山人  
一首與李清臣其詩云高田生黃埃下田生蒼耳蒼  
耳亦已無更問麥有幾蛟龍睡足亦解慚二麥枯時  
雨如洗不知雨從何處來但聞呂梁百步聲如雷試  
上南城望城北際天菽粟青成堆饑火燒腸作牛吼  
不知待得秋成否半年不雨坐龍慵但怨天公不怨  
龍今年一雨何足道龍神社鬼各言功無功日盜太  
倉粟嗟我與龍同此責勸農使者不汝容因君作詩  
先自劾此詩除無譏諷外有不合言本因龍神慵懶  
不行雨却使人心怨天公以譏諷大臣不任職不能  
變理陰陽却使人怨天子以天公比天子以龍神社

鬼比執政大臣及百執事軾自言無功竊祿與大臣  
無異當時送與李清臣來相謁戲笑言承見示詩只  
是勸農使者不管恁地事李清臣荅弟轍二首於詩  
後批云可求子瞻和云是飯盤蔬強少留相逢何物  
可消憂綠君未得酒中趣與我謾爲方外遊草亂不  
容移馬迹山雄全欲逼城樓濟時異日須公等莫狎  
翩翩海上鷗軾却作詩二首和李清臣其內一首云  
五十塵勞尚足留閑門却欲治幽憂羞爲毛遂囊中  
穎未許朱雲地下遊無事會須成好飲思歸時欲賦  
登樓羨君幕府如僧舍日向城西看浴鷗朱雲漢成

帝時乞斬張禹漢成帝欲誅之朱雲曰臣得下從龍  
逢比干遊于地下足矣龍逢夏桀臣比干商紂臣皆  
因諫而死軾爲屢言新法不便不蒙施行以朱雲自  
比意言至明之世無誅戮之事故軾未許與朱雲地  
下遊王粲是魏武時人因天下亂離故粲在荊州依  
託作登樓賦賦中有懷鄉思歸之意軾爲屢言新法  
不便不蒙施行有罷官懷鄉思歸之意亦欲作凡賦  
也軾又用弟轍韻與李清臣六首內一首云城南短  
李好交遊箕踞狂歌總自由尊主庇民君有道樂天  
知命我無憂醉呼妙舞留連夜

注云邦直家  
中舞者甚多

閑作新

詩斷送秋瀟洒使君殊不俗樽前容我攬鬚不清臣  
字邦直直再次元韻有一首云東萊嘗恨少朋遊得遇  
高人蘓子由已誓不言天下事相看俱遣世間憂新  
詩定及三千首曩別幾成二十秋南省都臺風雪夜  
問君還記劇談不轍字子由清臣差修國史軾賦詩  
二首送清臣其詩內一首云珥筆西歸近紫宸太平  
典策不緣麟忖君此事全書漢載我當時舊過秦門  
外想無千斛米墓中知有百年人看君兩眼明如鏡  
休把春秋坐素臣謂軾於

仁廟朝曾進論二十五首皆論往古得失賈誼漢文

帝時人追論秦之得失作過秦論史記載之軾妄以  
賈誼自比意欲李清臣於國史中載軾所進論故將  
詩與李清臣軾在臺於八月二十八日准問目據軾  
供到與人往還詩有所未盡軾供出所與清臣唱和  
詩即不係

朝旨降到冊子內

次韻章傳

一與章傳干涉事章傳字傳道熙寧六年正月內詩  
次章傳韻和荅云馬融既依梁班固亦事實效輦豈  
不欲頑質謝鑄鏤所引梁冀竇憲並是後漢時人因

時君不明遂躋顯位驕暴竊威福用事而馬融班固  
二人皆儒者並依託之軾詆毀當時執政大臣我不  
能效班固馬融苟容依附也其上件詩係印行冊子  
准

朝旨降到者

送劉述吏部

一與劉述干涉事熙寧八年四月十一日軾作詩送  
劉述云君王有意誅驕虜椎破銅山鑄銅虎聯翩三  
十七將軍走馬西來各開府是時朝廷遣使諸路點  
檢軍器及置三十七將官軾將謂今上有意征討胡

虜以譏諷朝廷諸路遣使及致將官張皇不便又云  
 南山伐木作車軸東海取鼉鞮音漫戰鼓汗流奔走誰  
 敢後恐乏軍資汚斤斧保甲連村團未編方田訟謀  
 紛如雨邇來手實降新書決剔根株窮脉縷詔書惻  
 怛信深厚使能淺薄空勞苦以譏諷朝廷法度屢更  
 事日煩多吏不能曉又云况復年來苦饑饉剥噬草  
 木啖桑土今年雨雪頗應時又報蝗虫生翅股憂來  
 洗盞欲強醉寂寞空齋卧空甌公厨十日不生烟更  
 望紅裙踏筵舞注云近齋厨索然可笑又云近來屢得山中信  
 只有當歸無別語猶將鼠雀偷太倉未肯衣冠掛神

武意謂邇來饑饉飛蝗蔽天之甚以譏諷朝廷政事  
 闕失新法不便之所致也又云酒食無備齋厨索然  
 以譏諷朝廷行法減削公使錢太甚公事既多旱蝗  
 又甚二政臣藩尚如此窘迫所以言山中故人寄信  
 令歸但軾貪祿未能便掛衣冠而去也又云四方冠  
 盖鬧如雲歸作二浙湖山主以譏諷朝廷近日提舉  
 官所至生事苛碎故劉述欲棄官歸湖州也軾在臺  
 八月二十八日准問目仰軾供具自來做過是何文  
 字軾說曾寄劉述吏部上件詩因依其詩即不係  
 朝旨降到冊子內

寄周放諸詩

一與周放干涉事軾熙寧五年六月任杭州通判日  
逐旋寄所作山村詩其譏諷意在王詵項內聲說  
并留題徑山詩其譏諷已在蘇轍項內聲說及和述  
古舍人冬日牡丹絕句有譏諷意在陳襄項內聲  
說即節次寄與周放熙寧六年因往諸縣提點到臨  
安縣有知縣大理寺丞蘇舜舉來本縣界外太平寺  
相接軾與本人爲同年自來相知本人見軾復言舜  
舉數日前入州却被訓狐狎出軾問其故蘇舜舉言  
我擘劃得戶供通家業役鈔規例一本甚簡前日將

去呈本州諸官皆不以爲然呈轉運副使王庭老等  
不喜差急足押出城來軾取其規例看詳委是簡便  
因問訓狐事舜舉言自來聞人說一小話云燕以日  
出爲旦日入爲夕蝙蝠以日入爲旦日出爲夕爭之  
不決訴之鳳凰鳳凰是百鳥之王至路次逢一禽謂  
燕曰不須往訴鳳凰在假或云鳳凰渴睡今不記其  
詳却是訓狐權攝舜舉意以話戲笑王庭老等不知  
是非隔得一兩日周放李行中人亦來臨安與軾同  
遊徑山蘇舜舉亦來山中相見周放作詩一首與軾  
即無譏諷次韻和荅無贈舜舉云鋪糟醉方熟酒面

喚不醒奈何效燕蝠屢欲爭晨暝其意以譏諷王庭  
老等如訓狐不分別是非也元豐三年六月十三日  
軾知湖州有周放作詩寄軾軾荅云政拙年年祈水  
旱民勞處處避嘲嘔河吞巨野那容塞盜入蒙山不  
易搜事道故因慚孔孟扶顛未可責由求此詩自言  
遷徙數州未蒙朝廷擢用老於道路并所至遇水旱  
盜賊夫役數起民蒙其害以譏諷朝廷政事闕失并  
新法不便之所致也又云事道故因慚孔孟扶顛未  
可責由求以言已仕而道不行則非事道也故有慚  
於孔孟子責由求云危而不扶顛而不持則將焉  
用彼相矣顛謂顛仆也意以譏諷朝廷大臣不能扶  
正其顛仆軾在臺於九月十四日准問目有無未盡  
事軾供出上件詩因依不係  
朝旨降冊子內

與子由詩

一與弟轍干涉事熙寧四年十月軾赴杭州時弟轍  
至穎州相別後十一月到杭州本任作穎州別子由  
詩云至今天下士去莫如子猛爲弟轍曾在制置條  
例克檢詳文字爭議新法不合乞罷說弟轍去之果  
決意亦譏諷朝廷新法不便也當年十二月內軾初

任杭州寄子由詩云獨眠林下夢魂好回首人間憂  
患長殺馬破車從此誓子來何處問行藏又云眼看  
時事力難勝貪戀君恩退未能意謂新法青苗助役  
等事煩雜不可辨亦言已才力不能勝任也熙寧六  
年內遊徑山留題云近來愈覺世議隘每到勝處差  
安便以譏諷朝廷之用人多是刻薄褊隘之人不少  
容人過失見山中寬閑之處爲樂也其詩係  
朝旨降到冊子內

杭州觀潮五首

一熙寧六年任杭州通判因八月十五日觀潮作詩

五首寫在本州安濟亭上前三首並無譏諷至第四  
首云吳兒生長狎濤淵冒利忘生不自憐東海若知  
明主意應教斥鹵變桑田蓋言弄潮之人貪官中利  
物致其間有溺而死者故

朝旨禁斷軾謂

主上好興水利不知利少而害多言東海若知明主  
意應教斥鹵變桑田言此事之必不可成譏諷朝廷  
水利之難成也軾八月二十二日在臺虛稱言鹽法  
之爲害等情由逐次隱諱不說情實二十四日再勘  
方招其詩係冊子內

和黃庭堅古韻

一元豐元年二月內北京國子監教授黃庭堅寄書  
二封并古詩二首與軾其書內一節云伏惟閣下學  
問文章度越前輩大雅豈弟博約後來立朝以正言  
見排補郡輒上課最可謂聲實於中內外稱職其古  
風六首第一首云江梅有嘉實結根桃李場桃李終  
不言朝露借恩光孤芳忌皎潔冰霜空自香古來知  
鼎實此物升廟廊歲月坐成晚烟雨青已黃得升桃  
李盤以遠亦見嘗終然不可口擲置官道傍但取本  
根在棄捐庸何湯第二首云長松出澗壑千里聞風

聲上有百尺蓋下有千歲苓小草有遠志相依在平  
生醫和不病世深根且固蒂人言可醫國何用大早  
計大小材則殊氣味苦相似軾答書一封除無譏諷  
外云觀其文以求其人必輕外物而自重者今之君  
子莫能用也今之君子謂近日朝廷進用之人不能  
援進庭堅而用之也及依韻答和古風云嘉穀卧風  
雨稂莠登我場陳前謾方寸玉食慘無光以譏今之  
小人勝君子如稂莠之奪嘉穀又云大哉天宇間美  
惡更臭香君看五六月飛蚊隱回廊茲時不少假俛  
仰霜葉黃期君看蟠桃千歲終一嘗顧我如苦李全



東坡遺事 卷之十一 三三 丹波山人  
生依路傍紛紛不足恤悄悄徒自傷意言君子小人  
進退有時如夏月蚊虻縱橫至秋月息比庭堅於蟠  
桃進必遲自比苦李以無用全生又詩云憂心悄悄  
愠于群小以譏諷當今進用之人皆小人也元豐元  
年二月三十日軾作文同學士祭文一首寄黃庭堅  
看此文除無譏諷外云道之難行哀哉吾徒豈無友  
朋逝莫告予意言軾屬曾言新法不便不蒙朝廷施  
行是道不行軾孤立無徒故人皆舍之而去無有相  
告語者以譏諷當今進用之人與軾故舊者皆以進  
退得喪易其心不存故舊之義軾在臺於九月二十  
三日准問目據軾供說其間隱諱有未盡者比聞北  
京留守司取問根驗得軾元寓去黃庭堅譏諷書并  
祭文於六月十六日再奉取問軾將寄黃庭堅文字  
看詳軾方盡供答其意並不係  
朝旨降到冊子內

與王紛作碑文

一元豐元年六月王紛寄到曾祖禹傳內翰神道碑  
示軾求軾題碑陰軾於當月五日寄與王紛此文除  
無譏諷外不合云使其不幸而立於衆邪之間安危  
之際則公之所爲必將驚世絕俗使斗筭穿窬之流

東坡先生遺事卷之十一  
三四 梁源山人  
心破膽裂意謂今日進用之人爲衆邪又言今時所  
行新法係天下安危故言衆邪之間安危之際也又  
謂

天子今時進用之人皆斗筭穿窬之流皆以譏諷朝  
廷進用之人并新法不便也又云紛紛鄙夫亦拜公  
像何以占之有泚其頰亦以譏諷今時進用之人謂  
之鄙夫言拜公之像心愧而汗顏也軾在臺於九月  
三日准問有無盡供荅因依即不係

朝旨降到冊子內

烏臺詩案

東坡先生遺事卷之十一

